

Aningaasaqarnermut Ataatsimiititaliap suliaq nr. 01.31.06/09-00399 pillugu tallimangornermi ulloq 30. januar 2009-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 26. januar 2009-mi ataatsimiinneranni imm. 2a)

Danskit naalakkersuisuisa taarsigassarsisitsinermi iluarsineq pillugu siunnersuutaannut Naalakkersuisut isummernissaannut tunngavissiaq

Naalakkersuisut **inassutigaat,**

- Nukinginnartumik suliarinninnissaq qinnutigalugu oqaasertaliussamik oqaasertaliussamullu nassuiaammik Inatsisartut Aningaasaqarnermut Ataatsimiititaliaannut saqqummiussinissamut Aningaasanut Nunanullu Allanut Naalakkersuisoq Naalakkersuisunit piginnaatinneqassasoq, tamatumani taakku 2009-mi ilassutitut aningaasaliissutininut inatsimmut ilanngunneqarnissaasa Inatsisartunit akuersissutigineqarnissaa siuner tarineqarluni.

Aningaasaqarnermut Ataatsimiititaliap oqaaseqaatai

Oqaasertaliussat uku Aningaasaqarnermut Ataatsimiititaliamit akuerineqarnissaat Naalakkersuisut suliame matumani qinnutigaat:

"Naalakkersuisut ¿ Suliassaqrarfiit 10 - 89

Nr. 7.

Naalakkersuisut Inatsisartut sinnerlugit piginnaatinneqarput Danskit Naalagaaffiat nalunaarfigissallugu Kalaallit Nunaata kissaatigigaa aningaasaqarnermi patajaatsuunissaq pillugu inatsimmut allannguutissatut siunnersuut pillugu Folketingip inatsisaanut aamma naalagaaffiup aningaasaliisarnera pillugu inatsisissatut siunnersuut pillugu Folketingip inatsisaanut tamakkiisumik ilaatinneqarnissani.

Oqaasertaliussanut oqaaseqaatit

Naalakkersuisut ¿ Suliassaqrarfiit 10 - 89

Nr. 7.

Danskit Naalagaaffiata Aningaasaqarnermut Inuussutissarsiornermullu ministeri Lene Espersen sinniisoralugu Aningaasaqarnermit patajaatsuunissaq pillugu inatsimmut allannguutissatut siunnersuut pillugu Folketingip inatsisissaatut siunnersuut aamma naalagaaffiup aningaasaliisarnera pillugu inatsisissatut siunnersuut pillugu Folketingip inatsisaatut siunnersuut Kalaallit Nunaanni Namminersornerullutik Oqartussanut nassiuppai, kissaatigalugu isummerfigineqassasoq Kalaallit Nunaata inatsisissatut siunnersuutininut taaneqartunut ilaatinneqarnissani kissaatigineraa. Inatsisissatut siunnersuutit marluusut aningaasaqarnermi ajornartorsiulernerup kingunerisaanik Danskit naalakkersuisuisa taarsigassarsisitsisarnermut aaqiissutissaattut oqaatigineqartartut ima raat.

Aningaasaqarnermut Inuussutissarsiornermullu ministerip saaffiginnissutaa piffissakilaartitsisuarakasiummat saaffiginnissullu Inatsisartut tullianik ataatsimiinnissaannut utaqqissunneqarsinnaangimmat, oqaasertaliussassat uku akuersissutigittinniarneqar put. Piffissaliussaq aammattaaq ima nukinginnartigisimavoq Inatsisartunut ilaasortat tamarmiusut inatsisissatut siunnersuummut taaneqartumut taamaallaat isummertinniarlugit ataatsimiigiaqquneqarnissaat angumerineqarsinnaanani.

Inatsisissatut siunnersuutininut marluusunut GrønlandsBanken tusarniaavigineqarpoq, taanna Aningaasanut Nunanullu Allanut Naalakkersuisoqarfimmut nalunaaruteqarluni aningaaseriviup inatsisissatut siunnersuutininut marluusunut ilaatinneqarnissani kissaatigigaa.

Aningaasaqarnermi patajaatsuunissaq pillugu inatsimmut aamma naalagaaffiup aningaasaliisinnaanera pillugu inatsisissatut siunnersuummut Kalaallit Nunaata ilaatinneqarneratigut aningaaseriviit Kalaallit Nunaanniittut naalagaaffeqatigiinnerup iluani aningaaserivittut allatulli aningaasaqarnermut tunngatillugu isumannaallisaavigineqarnissaat qulakkeerneqassaaq. Tamatuma saniatigut taarsigassarsisitsisarnermut aaqqiissutikkut suliffeqarfiit ingerlalluartut inoqutigiillu aningaasaqarnerisa suliarisartakkaminnut pitsaaneruseqanngitsoq aningaasaliisinnaalernerat iluaquserneqassaaq."

Taamatut periuseqarnissaq Inatsisartut Suleriaaseq pillugu Ataatsimiititaliaannit ulloq 26. januar 2009-mi akuersissutigineqarpoq.

Isummernissamut tunngavissiaq malillugu taarsigassarsisitsinikkut iluarsisissuteqarnermut Kalaallit Nunaata ilaanggunnera Grønlandsbankenip Namminersornerullutilluunniit Oqartussat aningaasartuuteqarnissaannik qularnaveeqqusiissuteqarnissaannilluunniit nassataqassanngitsoq Aningaasaqarnermut Ataatsimiititaliamit maluginiarneqarpoq.

Taarsigassarsisitsinikkut iluarsisissuteqarneq Kalaallit Nunaata nangaanartoqartitsinani akuersaassagaa Grønlandsbankenip taamatullu Aningaasanut Naalakkersuisoqarfiup inassuti gigaat ataatsimiititaliamit aamma maluginiarneqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua